

VENDIM
Nr. 13, datë 4.1.2013

**PËR MIRATIMIN E RREGULLAVE, TË PËRGJEGJËSIVE E TË AFATEVE PËR
ZHVILLIMIN E PROCEDURËS SË VLERËSIMIT TË NDIKIMIT NË MJEDIS¹**

Në mbështetje të nenit 100 të Kushtetutës dhe të pikës 5 të nenit 7 të ligjit nr. 10 440, datë 7.7.2011 “Për vlerësimin e ndikimit në mjedis”, me propozimin e Ministrit të Mjedisit, Pyjeve dhe Administrimit të Ujërave, Këshilli i Ministrave

VENDOSI:

I. Miratimin e rregullave, të përgjegjësive e të afateve për zhvillimin e procedurës së vlerësimit të ndikimit në mjedis (VNM) të projekteve të caktuara private apo publike, si më poshtë vijon:

KREU I

ZHVILLIMI I PROCEDURËS PARAPRAKE TË VLERËSIMIT TË NDIKIMIT NË MJEDIS

A. Fazat e procedurës paraprake të VNM-së

Procedura paraprake e vlerësimit të ndikimit në mjedis (VND) zbatohet për projektet që janë subjekt i kërkesave të nenit 8 të ligjit nr. 10 440, datë 7.7.2011 “Për vlerësimin e ndikimit në mjedis”, dhe kalon në këto faza të njëpasnjëshme:

¹ Projekt vendimi synon të bëjë përafrimin e plotë të direktivës nr. 92/2011/EEC “Për vlerësimin e efekteve që shkaktohen në mjedis nga aktivitetet private dhe publike”, e kodifikuar në 2012 (Celex: 32011L0092:0J L026,28.01.2012, p.0001-0021).

a) Paraqitja e kërkesës dhe dokumentacionit shoqërues nga zhvilluesi në Qendrën Kombëtare të Licencimit (QKL) dhe përcjellja e tyre nga QKL-ja në Agjencinë Kombëtare të Mjedisit (AKM);

b) Konsultimi i AKM-së me institucionet e tjera dhe publikimi i kërkesës;

c) Marrja e vendimit nga AKM-ja, njoftimi i QKL-së, Ministrisë së Mjedisit, Pyjeve dhe Administrimit të Ujërave, institucioneve të konsultuara, si dhe publikimi i vendimit në Regjistrin Kombëtar të Lejeve dhe Licencave.

B. Paraqitja e kërkesës dhe dokumentacionit shoqërues nga ana e zhvilluesit në QKL dhe përcjellja e dokumentacionit në AKM

1. Zhvilluesi, që synon të zbatojë një projekt, i cili është subjekt i kërkesave të nenit 8 të ligjit nr. 10 440, datë 7.7.2011 “Për vlerësimin e ndikimit në mjedis”, që në fazat fillestare të planifikimit të projektit (projektidesë), paraqet pranë QKL-së, përveç dokumentacionit të kërkuar sipas ligjit nr. 10 081, datë 23.2.2009 “Për licencat, autorizimet dhe lejet në Republikën e Shqipërisë”, dhe dokumentacionin përkatës, i cili përmban:

1.1. Përshkrimin e projektit të propozuar, ku përfshihen:

a) përshkrimi i qëllimit të projektit të propozuar;

b) planimetria e vendndodhjes së projektit ku të pasqyrohen në hartë topografike sipërfaqja e tokës së kërkuar, kufijtë e sipërfaqes së tokës së kërkuar, fotografi dhe të dhëna për përdorimin ekzistues të sipërfaqes së tokës që do të përdoret përkohësisht apo përherë nga projekti gjatë fazës së ndërtimit apo funksionimit të veprimtarisë së projektit;

c) informacioni për qendrat e banuara në zonën ku propozohet të zbatohet projekti, shoqëruar me fotografi dhe të dhëna për distancën nga vendi ku propozohet projekti e për njësinë e qeverisjes vendore (bashkia/komuna) që administron territorin ku propozohet projekti;

ç) skicat dhe planimetritë e objekteve të projektit dhe strukturave të projektit;

d) përshkrimi i proceseve ndërtimore dhe teknologjike, përfshirë kapacitetet prodhuese/përpunuese, sasi të lëndëve të para dhe produktet përfundimtare të projektit;

dh) informacioni për infrastrukturën e nevojshme për lidhjen me rrjetin elektrik, furnizimin me ujë, shkarkimet e ujërave të ndotura dhe mbetjeve, si dhe informacion për rrugët ekzistuese të aksesit apo nevojën për hapje të rrugëve të reja;

e) programi për ndërtimin, kohëzgjatjen e ndërtimit, kohëzgjatjen e planifikuar të funksionimit të projektit, kohën e mundshme të përfundimit të funksionimit të projektit dhe, sipas rastit, edhe fazën e planifikuar të rehabilitimit të sipërfaqes pas mbarimit të funksionimit të projektit;

ë) mënyrat dhe metodat që do të përdoren për ndërtimin e objekteve të projektit;

f) lëndët e para që do të përdoren për ndërtimin dhe mënyra e sigurimit të tyre (materiale ndërtimi, ujë dhe energji);

g) informacioni për lidhjet e mundshme të projektit me projekte të tjera ekzistuese përreth/pranë zonës së projektit;

gj) informacioni për alternativat e marra në konsideratë për sa i takon përzgjedhjes së vendndodhjes së projektit dhe teknologjisë që do të përdoret;

h) të dhëna për përdorimin e lëndëve të para gjatë funksionimit, përfshirë sasi të ujit të nevojshëm, energjisë, lëndëve djegëse dhe mënyrën e sigurimit të tyre;

i) aktivitete të tjera që mund të nevojiten për zbatimin e projektit, si: ndërtimi i kampeve apo rezidencave etj.;

j) informacioni për lejet dhe licencat e nevojshme për projektin, në përputhje me përcaktimet e bëra në legjislacionin në fuqi, si dhe institucionet kompetente për lejimin/licencimin e projektit.

1.2 Raportin paraprak të VNM-së, ku përfshihen:

a) një përshkrim i shkurtër i mbulesës bimore të sipërfaqes ku propozohet të zbatohet projekti, shoqëruar dhe me imazhe;

b) informacioni për praninë e burimeve ujore në sipërfaqen e kërkuar nga projekti dhe në afërsi të saj;

c) një identifikim i ndikimeve të mundshme negative në mjedis të projektit, përfshirë ndikimet në biodiversitet, ujë, tokë dhe ajër;

ç) një përshkrim i shkurtër për shkarkimet e mundshme në mjedis, të tilla si: ujëra të ndotura, gaze dhe pluhur, zhurmë, vibrime, si dhe për prodhimin e mbetjeve;

d) informacioni për kohëzgjatjen e mundshme të ndikimeve negative të identifikuara;

dh) të dhëna për shtrirjen e mundshme hapësinore të ndikimit negativ në mjedis që nënkupton distancën fizike nga vendndodhja e projektit dhe vlerat e ndikuara që përfshihen në të;

e) mundësinë e rehabilitimit të mjedisit të ndikuar dhe mundësinë e kthimit të mjedisit të ndikuar të sipërfaqes në gjendjen e mëparshme, përfshi edhe kthimin e tokës bujqësore (në rast se përdorimi ekzistues është i tillë) dhe kostot financiare të përafërta për rehabilitimin;

ë) masat e mundshme për shmangien dhe zbutjen e ndikimeve negative në mjedis;

f) ndikimet e mundshme në mjedisin ndërkufitar (nëse projekti ka natyrë të tillë);

g) certifikatën dhe licencën përkatëse të QKL-së, të specialistit që ka hartuar raportin paraprak të VNM-së.

1.3 Faturën e pagesës së tarifës së shërbimit

2. QKL-ja, brenda 4 (katër) ditëve nga data e paraqitjes së kërkesës dhe dokumentacionit shoqëruar nga zhvilluesi, e përcjell në AKM për të vlerësuar dhe vendosur nëse projekti i propozuar për shkak të ndikimeve të rëndësishme negative në mjedis, që mund të ketë, duhet t'i nënshtrohet apo jo procedurës së thelluar të VNM-së.

3. Nëse informacioni i paraqitur nga zhvilluesi, nuk është në përputhje me kërkesat e pikës 1 të ndarjes “B” të këtij kreu, atëherë AKM-ja, në përputhje me përcaktimet e ligjit nr. 10 081, datë 23.2.2009 “Për licencat, autorizimet dhe lejet në Republikën e Shqipërisë”, komunikon me QKL-në dhe kërkon plotësimin e informacionit që mungon duke dhënë edhe arsyetimin përkatës.

C. Konsultimi i AKM-së me institucione të tjera dhe publikimi i kërkesës

1. AKM-ja, në zbatim të nenit 15 të ligjit nr. 10 440, datë 7.7.2011 “Për vlerësimin e ndikimit në mjedis”, brenda 5 (pesë) ditëve nga data e marrjes së (aplikimit) dokumentacionit prej QKL-së, u dërgon për mendim/konsultim një kopje të plotë të tij institucioneve të mëposhtme, duke u theksuar edhe afatin prej 15 (pesëmbëdhjetë) ditësh për dërgimin e mendimit të tyre:

a) Ministrive të linjës, të cilat kanë përgjegjësi në planifikimin e territorit, mbrojtjen e shëndetit publik, tokës bujqësore, zhvillimit të ekonomisë, si dhe zhvillimin e infrastrukturës publike;

b) Institucioneve të tjera që në varësi të llojit të projektit janë përgjegjëse për lejimin/licencimin e tij apo përgjegjëse për emergjencat natyrore dhe civile;

c) Agjencisë Rajonale të Mjedisit (ARM) në qarkun ku propozohet të zbatohet projekti, së cilës i jepen edhe udhëzimet përkatëse për marrjen e mendimit nga institucionet e qeverisjes në qark.

2. ARM-ja, brenda 3 (tri) ditëve nga data e marrjes së dokumentacionit nga AKM-ja, u dërgon një kopje të tij institucioneve përfaqësuese të qeverisjes qendrore në qark me përgjegjësi sipas shkronjave “a” dhe “b” të pikës 1 të ndarjes “C”, si dhe njësisë së qeverisjes vendore që administron territorin ku propozohet projekti, duke u përcaktuar edhe afatin prej 12 (dymbëdhjetë) ditësh për dhënien e mendimit nga secili institucion.

3. ARM-ja dërgon në AKM mendimet dhe informacionin përkatës brenda 3 (tri) ditëve nga afati i mbarimit të dhënies së mendimit nga institucionet e konsultuara prej saj.

4. Institucionet e përmendura në pikat 1 dhe 2 të ndarjes “C”, japin mendimin për projektin e propozuar brenda afatit të përcaktuar dhe nëse nuk i paraqesin ato brenda këtij afati nënkuptohet se ato janë dakord me zhvillimin e projektit dhe nuk kanë komente.

5. Me qëllim informimin e publikut dhe OFJ-ve, AKM-ja, brenda 5 (pesë) ditëve nga data e marrjes së aplikimit prej QKL-së publikon në faqen e saj në internet për 20 (njëzet) ditë rresht informacionin e paraqitur nga zhvilluesi, duke sqaruar procedurën që po zbatohet, si dhe afatin e parashikuar të publikimit të vendimit të saj në Regjistrin Kombëtar të Lejeve dhe Licencave.

Ç. Marrja e vendimit nga AKM-ja, njoftimi i QKL-së, ministrisë, institucioneve të konsultuara dhe publikimi i vendimit

1. AKM-ja, brenda 5 (pesë) ditëve nga data e përfundimit të afatit të përcaktuar në pikat 1 dhe 3 të ndarjes “C”, merr vendim duke u mbështetur në kriteret ndihmëse të trajtuara në shtojcën I, në përputhje me përcaktimet e nenit 11 të ligjit nr. 10 440, datë 7.7.2011 “Për vlerësimin e ndikimit në mjedis”.

2. Vendimi i AKM-së u njoftohet menjëherë QKL-së, ministrisë dhe institucioneve të konsultuara, ndërsa një kopje e tij publikohet menjëherë në Regjistrin Kombëtar të Lejeve dhe Licencave.

3. Ndaj vendimit mund të bëhet ankim në QKL, në përputhje me përcaktimet e nenit 30 të ligjit nr. 10 081, datë 23.2.2009 “Për licencat, autorizimet dhe lejet në Republikën e Shqipërisë”, dhe të nenit 25 të ligjit nr. 10 440, datë 7.7.2011 “Për vlerësimin e ndikimit në mjedis”.

KREU II

ZHVILLIMI I PROCEDURËS SË THELLUAR TË VNM-SË

A. Fazat e zhvillimit të procedurës së thelluar të VNM-së

Procedura e thelluar e vlerësimit të ndikimit në mjedis (VNM) zbatohet për projektet që janë subjekt i kërkesave të nenit 9 të ligjit nr. 10 440, datë 7.7.2011 “Për vlerësimin e ndikimit në mjedis”, dhe ndjek këto faza të njëpasnjëshme:

- a) njoftimin e AKM-së nga zhvilluesi për synimin e zhvillimit të projektit;
- b) konsultimin e AKM-së me institucionet e tjera, publikun dhe OJF-të për çështjet që ato kërkojnë të trajtohen në raportin e thelluar të VNM-së;
- c) komunikimin që AKM-ja i bën zhvilluesit për çështjet që ajo dhe palët e konsultuara kërkojnë të trajtohen në raportin e thelluar të VNM-së;
- ç) hartimin e raportit të thelluar të VNM-së dhe dëgjesën me publikun;
- d) aplikimin në QKL për deklaratën mjedisore, shqyrtimin nga AKM-ja dhe lëshimin e saj nga ministri.

B. Njoftimi i AKM-së nga zhvilluesi

1. Zhvilluesi, që synon të zbatojë një projekt, që është subjekt i procedurës së thelluar të VNM-së, njofton AKM-në që në fazat fillestare të zhvillimit të projektit (projektidesë), duke e shoqëruar me informacionin e poshtëshënuar e, konkretisht, me të dhëna për projektin e propozuar, ku, në varësi nga lloji i projektit, përfshihen:

1.1 Përshkrimi i projektit të propozuar, që përmban:

- a) përshkrimin e qëllimit të projektit të propozuar;
- b) planimetrinë e vendndodhjes së projektit, ku të pasqyrohen në hartë topografike sipërfaqja e tokës së kërkuar, kufijtë e sipërfaqes së tokës së kërkuar, fotografi dhe të dhëna për përdorimin ekzistues të sipërfaqes së tokës, që do të përdoret përkohësisht apo përherë nga projekti gjatë fazës së ndërtimit apo funksionimit të veprimtarisë së projektit;
- c) informacion për qendrat e banuara në zonën ku propozohet të zbatohet projekti, shoqëruar me fotografi dhe me të dhëna për distancën nga vendi ku propozohet projekti e për njësinë e qeverisjes vendore (bashkia/komuna), që administron territorin ku propozohet projekti;
- ç) skicat dhe planimetritë e objekteve të projektit dhe strukturave të projektit;
- d) përshkrim të proceseve ndërtimore dhe teknologjike, përfshirë kapacitetet prodhuese/përpunuese, sasitë e lëndëve të para dhe produktet përfundimtare të projektit;
- dh) të dhëna për infrastrukturën e nevojshme për lidhjen me rrjetin elektrik, furnizimin me ujë, shkarkimet e ujërave të ndotura dhe mbetjeve, si dhe informacion për rrugët ekzistuese të aksesit apo nevojën për hapje të rrugëve të reja;
- e) programin për ndërtimin, kohëzgjatjen e ndërtimit, kohëzgjatjen e planifikuar të funksionimit të projektit, kohën e mundshme të përfundimit të funksionimit të projektit dhe, sipas rastit, edhe fazën e planifikuar të rehabilitimit të sipërfaqes pas mbarimit të funksionimit të projektit;
- ë) mënyrat dhe metodat që do të përdoren për ndërtimin e objekteve të projektit;
- f) lëndët e para që do të përdoren për ndërtimin dhe mënyrën e sigurimit të tyre (materiale ndërtimi, ujë dhe energji);
- g) informacion për lidhjet e mundshme të projektit me projekte të tjera ekzistuese përreth/pranë zonës së projektit;
- gj) informacion për alternativat e marra në konsideratë për sa i takon përzgjedhjes së vendndodhjes së projektit dhe teknologjisë që do të përdoret;
- h) të dhëna për përdorimin e lëndëve të para gjatë funksionimit, përfshirë sasitë e ujit të nevojshëm, energjisë, lëndëve djegëse dhe për mënyrën e sigurimit të tyre;
- i) të dhëna për aktivitete të tjera që mund të nevojiten për zbatimin e projektit, si ndërtimi i kampeve apo rezidencave etj.;
- j) informacion për lejet dhe licencat e nevojshme për projektin, në përputhje me përcaktimet e bëra në legjislacionin në fuqi, si dhe institucionet kompetente për lejimin/licencimin e projektit.

1.2 Informacion për ndërveprimin me mjedisin të projektit (si shtojcë të pikës 1.1 më sipër), që përmban:

a) një përshkrim të shkurtër të mbulesës bimore të sipërfaqes, ku propozohet të zbatohet projekti, të shoqëruar dhe me imazhe;

b) informacion për praninë e burimeve ujore në sipërfaqen e kërkuar nga projekti dhe në afërsi të saj;

c) një identifikim të ndikimeve të mundshme negative në mjedis të projektit, përfshirë ndikimet në biodiversitet, ujë, tokë, ajër;

ç) një përshkrim të shkurtër për shkarkimet e mundshme në mjedis, të tilla si: ujëra të ndotura, gaze dhe pluhur, zhurmë, si dhe prodhimin e mbetjeve;

d) informacion për kohëzgjatjen e mundshme të ndikimeve negative të identifikuara;

dh) të dhëna për shtrirjen e mundshme hapësinore të ndikimit negativ në mjedis, që nënkupton distancën fizike nga vendndodhja e projektit dhe vlerat e ndikuara që përfshihen në të;

e) mundësinë e rehabilitimit të mjedisit të ndikuar dhe mundësinë e kthimit të mjedisit të ndikuar të sipërfaqes në gjendjen e mëparshme, përfshi edhe tokën bujqësore, si dhe kostot financiare të përafërta për rehabilitimin;

ë) masat e mundshme për shmangien dhe zbutjen e ndikimeve negative në mjedis;

f) ndikimet e mundshme në mjedisin ndërkufitar (nëse projekti ka natyrë të tillë).

1.3. Faturën e pagesës së tarifës së shërbimit sipas përcaktimeve në legjislacion.

2. Në rast se informacioni i paraqitur nga zhvilluesi, nuk është në përputhje me kërkesat e pikës 2 të ndarjes “B” të kreut II të këtij vendimi, atëherë AKM-ja komunikon me zhvilluesin dhe i kërkon atij plotësimin e informacionit të munguar.

3. Afatet për plotësimin e informacionit të munguar nga zhvilluesi, nuk llogariten për efekt të afateve kohore të procedurës së thelluar të VNM-së.

C. Konsultimi i AKM-së me institucionet e tjera, publikun dhe OJF-të për çështjet që ato kërkojnë të trajtohen në raportin e thelluar të VNM-së

1. AKM-ja, në zbatim të nenit 14 të ligjit nr. 10 440, datë 7.7.2011 “Për vlerësimin e ndikimit në mjedis”, brenda 5 (pesë) ditëve nga data e marrjes së (aplikimit) dokumentacionit prej QKL-së, u dërgon për mendim/konsultim një kopje të plotë të tij institucioneve të mëposhtme, duke u theksuar edhe afatin prej 15 (pesëmbëdhjetë) ditësh për dërgimin e mendimit të tyre:

a) Ministrive të linjës, të cilat kanë përgjegjësi në planifikimin e territorit, mbrojtjen e shëndetit publik, tokës bujqësore, zhvillimit të ekonomisë, si dhe zhvillimin e infrastrukturës publike;

b) Agjencisë Rajonale të Mjedisit (ARM) në qarkun ku propozohet të zbatohet projekti, së cilës i jepen edhe udhëzimet përkatëse për marrjen e mendimit nga institucionet e qeverisjes në qark;

c) Institucioneve të tjera që, në varësi të llojit të projektit, janë përgjegjëse për lejimin/licencimin e tij apo përgjegjëse për emergjencat natyrore dhe civile.

2. ARM-ja, brenda 3 (tri) ditëve nga data e marrjes së dokumentacionit nga AKM-ja, u dërgon një kopje të tij institucioneve përfaqësuese të qeverisjes qendrore në qark me përgjegjësi sipas shkronjave “a” dhe “b” të pikës 1 të kësaj ndarjeje, si dhe njësisë së qeverisjes vendore që administron territorin ku propozohet projekti, duke u përcaktuar edhe afatin prej 12 (dymbëdhjetë) ditësh për dhënien e mendimit nga secili institucion.

3. ARM-ja dërgon në AKM mendimet dhe informacionin përkatës brenda 3 (tri) ditëve nga afati i mbarimit të dhënies së mendimit nga institucionet e konsultuara prej saj.

4. Për të bërë të mundur informimin dhe marrjen e mendimit nga publiku dhe OJF-të, AKM-ja publikon në faqen e saj elektronike, për 20 (njëzet) ditë rresht, informacionin e

paraqitur nga subjekti, duke sqaruar se brenda këtij afati mund të jepen mendime për çështjet që duan të trajtohen në raportin e thelluar të VNM-së, si dhe sqarimet për procedurën që do të zbatohet për informimin e konsultimin dhe dëgjuesën publike.

5. Institucionet e përmendura në pikat 1 dhe 2 të kësaj ndarjeje, publiku dhe OJF-të japin mendimin e tyre brenda afatit të kërkuar më sipër dhe nëse ato nuk e paraqesin brenda afatit, nënkuptohet se nuk kanë kërkesa apo sugjerime për çështjet që do të trajtohen në raportin e thelluar të VNM-së.

Ç. Komunikimi që AKM-ja i bën zhvilluesit për çështjet që ajo dhe palët e konsultuara kërkojnë të trajtohen në raportin e thelluar të VNM-së

1. Brenda 5 (pesë) ditëve nga data e përfundimit të afatit për marrjen e mendimit, sipas përcaktimit të ndarjes “C” të këtij kreu, AKM-ja i komunikon me shkrim zhvilluesit, si më poshtë vijon:

a) Kërkesat e saj, të institucioneve, publikut dhe të OJF-ve, të cilat duhet të merren parasysh dhe të trajtohen në raportin e thelluar të VNM-së;

b) Një sqarim të përmbledhur për kërkesat e procedurës së thelluar të VNM-së, deri në paraqitjen e aplikimit në QKL dhe dhënien e deklaratës mjedisore;

c) Detyrimin për informimin, konsultimin dhe dëgjuesën me publikun dhe OJF-të të raportit të thelluar të VNM-së dhe vlerësimin e mendimeve të dhëna në raport përpara se të paraqitet në QKL;

ç) Analizimin e të paktën dy alternativave për zbatimin e projektit;

d) Udhëzime për studimet dhe metodat për sigurimin e informacionit mjedisor dhe parashikimin e ndikimeve në mjedis gjatë hartimit të raportit të thelluar të VNM-së;

dh) Udhëzime për masat për mbrojtjen e mjedisit që duhet të merren në konsideratë gjatë hartimit të raportit të thelluar të VNM-së;

e) Strukturën dhe renditjen e informacionit në raportin e thelluar të VNM-së, në përputhje me shtojcën II të këtij vendimi;

ë) Faktin që projekti është subjekt i procedurës ndërkufitare të VNM-së, duke dhënë edhe udhëzimet përkatëse për këtë rast.

2. Komunikimi i AKM-së me zhvilluesin publikohet, menjëherë në faqen elektronike të AKM-së dhe një kopje u dërgohet institucioneve të konsultuara.

3. Nëse AKM-ja nuk i komunikon zhvilluesit brenda afatit të përcaktuar në pikën 1 të kësaj ndarjeje, atëherë zhvilluesi vijon me hartimin e raportit në përputhje me përcaktimet e shtojcës II të këtij vendimi.

D. Hartimi i raportit të thelluar të VNM-së dhe dëgjesa publike

1. Hartimi i raportit të thelluar të VNM-së është përgjegjësi e zhvilluesit dhe hartohet në përputhje me shtojcën II të këtij vendimi. Gjatë hartimit të tij, zhvilluesi informon dhe konsultohet me publikun në përputhje me kërkesat ligjore në fuqi.

2. Pasi është hartuar raporti i thelluar i VNM-së, zhvilluesi njofton AKM-në për organizimin e dëgjuesës publike, duke e informuar edhe për informimin dhe konsultimet e kryera gjatë hartimit të raportit.

3. AKM-ja, brenda 5 (pesë) ditëve nga data e marrjes së njoftimit, i kërkon Agjencisë Rajonale të Mjedisit (ARM) të bashkëpunojë me njësinë e qeverisjes vendore dhe me zhvilluesin e projektit për realizimin e dëgjuesës publike në përputhje me kërkesat e nenit 17 të ligjit nr. 10 440, datë 7.7.2011 “Për vlerësimin e ndikimit në mjedis”, dhe të akteve ligjore përkatëse.

4. ARM-ja është e pranishme në ditën e dëgjuesës publike dhe ka rol mbikëqyrës, duke regjistruar në mënyrë të pavarur mendimet dhe kërkesat e dhëna gjatë takimit nga publiku dhe palët e pranishme.

5. ARM-ja, brenda 5 (pesë) ditëve nga përfundimi i seancës dëgjimore, përcjell në AKM informacion për mënyrën se si është zbatuar procedura, si dhe mendimet e kërkesat e

dhëna nga publiku dhe palët e pranishme.

KREU III

PARAQITJA NË QENDRËN KOMBËTARE TË LICENCIMIT DHE DEKLARATA MJEDISORE

A. Aplikimi në QKL

1. Në zbatim të nenit 10 të ligjit nr. 10 440, datë 7.7.2011 “Për vlerësimin e ndikimit në mjedis”, zhvilluesi, pasi të ketë hartuar raportin e thelluar të VNM-së dhe pasi të jetë kryer seanca dëgjimore për të, paraqet pranë QKL-së, përveç dokumentacionit të kërkuar sipas ligjit nr. 10 081, datë 23.2.2009 “Për licencat, autorizimet dhe lejet në Republikën e Shqipërisë”, edhe këto dokumente:

- a) raportin e thelluar të VNM-së, i cili duhet të jetë në përputhje me kërkesat e shtojcës II;
- b) përmbledhjen joteknike të raportit të VNM-së;
- c) projektin teknik;
- ç) të dhëna për informimin dhe konsultimin me publikun dhe palët e tjera, realizuar gjatë hartimit të raportit të thelluar të VNM-së;
- d) një kopje të faturës së pagesës së tarifës së shërbimit sipas përcaktimeve në legjisllacionin përkatës.

2. QKL-ja, brenda 4 (katër) ditëve, përcjell dokumentacionin e paraqitur pranë Agjencisë Kombëtare të Mjedisit (AKM), për të shqyrtuar për dhënien e deklaratës mjedisore për projektin.

B. Shqyrtimi dhe dhënia e deklaratës mjedisore

1. Brenda 5 (pesë) ditëve nga data e marrjes së aplikimit prej QKL-së, AKM-ja publikon në faqen e saj elektronike për 20 (njëzet) ditë rresht, përmbledhjen joteknike të raportit të thelluar të VNM-së, duke sqaruar se brenda këtij afati publiku, OJF-të apo palët e tjera të interesuara mund të japin mendime përpara lëshimit të deklaratës mjedisore për ndikimet në mjedis të projektit.

2. Brenda 30 (tridhjetë) ditëve kalendarike nga data e përcjelljes së aplikimit prej QKL-së, AKM-ja shqyrton dokumentacionin dhe ministri lëshon deklaratën mjedisore, e cila hartohet në përputhje me përcaktimet në nenin 12 të ligjit nr. 10 440, datë 7.7.2011 “Për vlerësimin e ndikimit në mjedis”.

3. Gjatë shqyrtimit të dokumentacionit për lëshimin e deklaratës mjedisore, AKM-ja bazohet në kriteret e shtojcës III të këtij vendimi.

4. Deklarata mjedisore u dërgohet menjëherë QKL-së, institucioneve të konsultuara, ndërsa një kopje publikohet menjëherë në Regjistrin Kombëtar të Lejeve dhe Licencave.

5. Nëse informacioni i paraqitur nga zhvilluesi ka mangësi, atëherë AKM-ja, në përputhje me përcaktimet e ligjit nr. 10 081, datë 23.2.2009 “Për licencat, autorizimet dhe lejet në Republikën e Shqipërisë”, komunikon me QKL-në dhe kërkon plotësimin e informacionit që mungon, duke dhënë edhe arsyetimin ligjor dhe teknik për këtë kërkesë.

KREU IV

MONITORIMI I NDIKIMEVE, KONFIDENCIALITETI, ANKIMIMI DHE KOMUNIKIMI

1. Gjatë zbatimit të projektit, zhvilluesi ka përgjegjësinë të kryejë monitorimin e ndikimeve në mjedis të projektit, në përputhje me përcaktimet në deklaratën mjedisore dhe legjisllacionin në fuqi.

2. Në rast se zhvilluesi gjykon se të dhëna të caktuara në dokumentacionin e kërkuar nga procedura e VNM-së janë konfidenciale, atëherë ai ua komunikon atë AKM-së dhe QKL-së që në momentin e paraqitjes së dokumentacionit ku përmbahen të dhënat konfidenciale.

3. Në rast se AKM-ja dhe QKL-ja njoftohen paraprakisht nga zhvilluesi për ruajtjen e të dhënave konfidenciale, atëherë ato zbatojnë kërkesat e legjislacionit përkatës sipas përcaktimeve të ligjit nr. 9901, datë 14.4.2008 “Për shoqëritë tregtare”, të ligjit nr. 9887, datë 10.3.2008 “Për mbrojtjen e të dhënave personale”, të ligjit nr. 9380, datë 28.4.2005 “Për të drejtën e autorit dhe të drejtat e lidhura me të”, si dhe të ligjit nr. 9947, datë 7.7.2008 “Për pronësinë industriale”.

4. Afatet kohore për llogari të procedurës së ruajtjes dhe administrimit të të dhënave konfidenciale nuk llogariten (i shtohen) në afatet e zbatimit të procedurës së VNM-së sipas këtij vendimi.

5. Çdo palë ka të drejtë të ankohet në rrugë administrative, me kërkesë në QKL, ndaj akteve, veprimeve apo mosveprimeve gjatë zhvillimit të procedurës së VNM-së, në përputhje me kërkesat e nenit 25 të ligjit nr. 10 440, datë 7.7.2011 “Për vlerësimin e ndikimit në mjedis”, dhe sipas kërkesave të nenit 30 të ligjit nr. 10 081, datë 23.2.2009 “Për licencat, autorizimet dhe lejet në Republikën e Shqipërisë”.

6. Për përmbushjen e afateve kohore të kësaj procedure, institucionet me rol e përgjegjësi në këtë procedurë, sa të jetë e mundur, shkëmbejnë informacionin për projektin nëpërmjet komunikimit elektronik, në përputhje me përcaktimet në legjislacionin përkatës në fuqi.

II. Ngarkohen Ministria e Mjedisit, Pyjeve dhe Administrimit të Ujërave dhe Qendra Kombëtare e Licencimit për zbatimin e këtij vendimi.

Ky vendim hyn në fuqi pas botimit në Fletoren Zyrtare.

KRYEMINISTRI

Sali Berisha

SHTOJCA I - Kriteret ndihmese për marrjen e vendimit gjate procedurës paraprake te VNM

1. Karakteristikat e projektit

- *madhësia e projektit;*
- *efektet kumulative me projekte te tjera;*
- *përdorimi i burimeve natyrore;*
- *prodhimi i mbetjeve,*
- *volumi i shkarkimit te ndotjes dhe zhurmës ne mjedis;*
- *mundësia e aksidenteve me pasoja ne mjedis , duke pasur parasysh ne veçanti substancat apo teknologjitë e përdorura.*

2. Karakteristikat e mjedisit ne zonën e projektit:

- a. përdorimi ekzistues i tokës se kërkuar nga projekti;
- b. gjendja e mjedisit ne zonën ku propozohet projekti duke i kushtuar vëmendje te

veçante;

- ligatinave;
- zonave bregdetare;
- zonave pyjore;
- zonave te mbrojtura natyrore me rëndësi kombëtare dhe ndërkombëtare dhe distance e tyre nga zona ku propozohet projekti;
- biodiversitetit te zonës dhe statusit te ruajtjes/mbrojtjes;
- zonat ku janë tejkaluuar standardet e cilësisë se mjedisit (te përcaktuara ne akte te tjera);
- zonat me densitet te larte te popullsisë;
- ekzistencës se infrastrukturës mjedisore dhe aksesin e projektit ne vendet e depozitimit te mbetjeve dhe impiantet e trajtimit te ujerave te ndotura;
- objekte me rëndësi historike, kulturore ose arkeologjike.

3. Karakteristikat e ndikimit te mundshëm ne mjedis

Ndikimet e mundshme ne mjedis te projektit te propozuar duhet te shqyrtohen ne kombinim me kriteret e përcaktuara ne pikat 1 dhe 2 me lart, dhe duke marre parasysht ne mënyrë te veçante:

- *Llojin e ndikimeve te mundshme negative ne mjedis;*
- *shtrirjen hapësinore te ndikimeve te mundshme negative ne mjedis dhe kohëzgjatjen e mundshme te tyre (zonën gjeografike dhe madhësinë e popullsisë se prekur),*
 - *shkallen dhe kompleksitetin e ndikimit,*
 - *mundësinë e shfaqjes se ndikimeve,*
 - *natyrën ndërkufitare te projektit dhe ndikimit ne mjedis in ndërkufitar,*

Mendimet e kërkesat e dhëna nga institucionet sipas kreut I duke i përqendruar në:

- Ekzistencën dhe planet e përdorimit të tokës dhe zhvillimit në zonën e projektit;
 - Përputhja e projektit me planet vendore, rajonale dhe kombëtare të zhvillimit;
 - Kërkesa të veçanta për mbrojtjen e shëndetit publik nga ndikimet në mjedis të projektit.
- SHTOJCA II - Struktura e renditjes dhe informacionit që përmban raporti i thelluar i VNM

Hyrje

Shpjegimi i akronimeve

1. Informacion për qëllimin e VNM dhe metodikën e zbatuar

- a) Përshkrim te qëllimit dhe objektivave te VNM;
- b) Përshkrim te përmbledhur te kuadrit ligjor mjedisor dhe institucional qe lidhet me projektin;
- c) Përshkrim te metodikes te zbatuar për hartimin e raportit te thelluar te VNM-se;

- *Autoret e hartimit raportit te thelluar te VNM-se*
- *Metodikat e zbatuara dhe mënyra e sigurimit te informacionit për hartimit e raportit te thelluar te VNM-se (nëse është e detajuar mund te vihet edhe si shtojce e raportit);*
- *Konsultimet e realizuara gjate hartimit te raportit te thelluar te VNM-se";*
- *Një përshkrim te vështirësive (mangësive teknike ose te njohurive) qe zhvilluesi ka hasur gjate hartimit te informacionit te kërkuar.*

2. Përshkrimi i projektit, dukje përfshirë :

a. Përshkrimin e qëllimit të projektit të propozuar;

b. Planimetria e vendndodhjes së projektit, ku të pasqyrohen në hartë topografike sipërfaqja e tokës së kërkuar, kufijtë e sipërfaqes së tokës së kërkuar, të dhëna për përdorimin ekzistues të sipërfaqes së tokës që do të përdoret përkohësisht apo përherë nga projekti gjatë fazës së ndërtimit apo instalimit të pajisjeve;

c. Skicat dhe planimetritë e objekteve të projektit dhe strukturave të projektit;

d. Përshkrim i proceseve ndërtimore dhe teknologjike, përfshirë kapacitetet prodhuese/përpunuese, sasi të lëndëve të para dhe produktet përfundimtare të projektit;

e. Infrastruktura e nevojshme për lidhjen me rrjetin elektrik, furnizimin me ujë, shkarkimet e ujërave të ndotura dhe mbetjeve si dhe informacion për rrugët ekzistuese të aksesit apo nevojën për hapje të rrugëve të reja;

f. Programi për ndërtimin, kohëzgjatjen e ndërtimit, kohëzgjatjen e planifikuar të funksionimit të projektit, kohën e mundshme të përfundimit të funksionimit të projektit dhe sipas rastit edhe fazën e planifikuar të rehabilitimit të sipërfaqes pas mbarimit të funksionimit të projektit;

g. Mënyrat dhe metodat qe do te përdoren për ndërtimin e objekteve te projektit;

h. Lendet e para qe do te përdoren për ndërtimin dhe mënyra e sigurimit te tyre (materiale ndërtimi, ujë dhe energji);

i. Informacion për lidhjet e mundshme te projektit me projekte te tjera ekzistuese përreth/pranë zonës te projektit;

j. Informacion lidhur me alternativat e marra ne konsiderate persa i takon përzgjedhjes se vendndodhjes se projektit dhe teknologjisë qe do përdoret;

k. Përdorimin e lendeve te para gjate funksionimit, përfshirë sasitë e ujit te nevojshëm, energjisë, lendeve djegëse dhe mënyrën e sigurimit te tyre;

l. Aktivitete te tjera qe mund te nevojiten për zbatimin e projektit, si ndërtimi i kampeve apo rezidencave etj; m. Informacion për lejet dhe licencat e nevojshme për projektin te kërkuara nga legjislacioni ne fuqi si dhe institucionet kompetente për lejimin/licencimin e projektit;

3. Një përshkrim i analizës te paktën dy alternativave për zbatimin e projektit ose kompetenteve te veçanta te tij (si akses i rrugor, administrimi i mbetjeve dhe ujërave te ndotura, llojet e lendeve djegëse, vendndodhja e projektit etj) si dhe sqarimi i arsyeve kryesore për alternativën e propozuar, duke marre parasysh ndikimet ne mjedis te secilës alternative;

4. Një përshkrim te gjendjes dhe vlerave ekzistuese te mjedisit qe mund te ndikohen nga zbatimi i projekti i propozuar, duke përfshirë;

4.1 Përshkrim te karakteristikave fizike te zonës se projektit;

- Përshkrim i faktorëve klimatikë;
- Përshkrimi gjeomorfologjik dhe i sizmicitetit i zonës së projektit;
- Përshkrim i gjeologjisë dhe tokës në zonën e projektit;
- Përshkrim i ujërave sipërfaqësore dhe nëntokësore në zonën e projektit.

4.2. Përshkrim i biodiversitetit në zonën e projektit

- *Përshkrimi i habitateve kryesore ne zonën e projektit si dhe harta ilustruese*
- *Përshkrimi i vegjetacionit ne secilin habitat dhe statusit te ruajtjes kombëtar dhe ndërkombëtar te tyre;*
- *Përshkrimi i faunës ne secilin habitat dhe statusit te ruajtjes kombëtar dhe ndërkombëtar te tyre;*
- *Përshkrimi i zonave te mbrojtura pranë vendit ku propozohet te zbatohet projekti përfshi edhe monumentet natyrore te mbrojtura me ligj;*

4.3 Përshkrim i cilësisë se mjedisit dhe ndikimeve ekzistuese

- *Cilësia e ujërave ne zonën e studiuar për hartimin e raportit te thelluar te VNM-se;*
- *Cilësia e ajrit ne zonën e studiuar për hartimin e raportit te thelluar te VNM-se;*
- *Niveli i zhurmave ne zonën e studiuar për hartimin e raportit te thelluar te VNM-se;*
- *Administrimi i mbetjeve ne zonën ku propozohet projekti;*
- *Probleme te tjera (nëse evidentohen) te tilla si erozioni i tokës, zjarret, ndotje historike etj;*
- *Presionet kryesore te mjedisit ne zonën e projektit (te tilla si ndotjet e mjedisit, prerje pyjesh, etj)*

4.4 Përshkrim i karakteristikave sociale të zonës ku propozohet projekti:

- Njësia e qeverisjes vendore që administron zonën ku zbatohet projekti
- Popullsia dhe aktivitetet kryesore ekonomike të zonës
- Përdorimi i tokës në zonën e projektit
- Vlerat dhe objektet monumentale dhe arkeologjike në afërsi të zonës së projektit
- Administrimi i mbetjeve dhe ujërave të ndotura urbane

5. Një përshkrim të ndikimeve negative të rëndësishme të projektit të propozuar mbi mjedisin ku përfshihen:

5.1 Ndikimet negative në mjedis.

- *Ndikimet negative ne karakteristikat fizike te zonës se projektit;*
- *Ndikimet negative ne habitate dhe biodiversitetin e zonës se projektit;*
- *Shkarkimet ne mjedis dhe prodhimi i mbetjeve;*
- *Ndikimet negative shpesh (kumulative) ne cilësinë e mjedisit ne zonën e projektit dhe burimet natyrore si mineralet, pyje, burimet ujore;*
- *Ndikimet sociale te projektit te tilla si ndryshimi i përdorimit te tokës dhe shqetësimet qe*

mund te lindin nga ndikimet ne mjedis te projektit (si zhurmat, pluhuri, përdorimi i burimeve natyrore etj);

- *Ne varësi te natyrës te projektit një përshkrim i aksidenteve te mundshme me pasoja ne mjedis;*

5.2 Karakteristikat e ndikimeve negative ne mjedis;

- *Metoda e zbatuara për parashikimin e ndikimeve negative ne mjedis*
- *Shtrirja fizike dhe kohëzgjatja e ndikimeve te identifikuar (shkalla);*
- *Lloji i ndikimeve te identifikuar (direkte dhe jo direkte);*
- *Mundësia e zbutjes se ndikimeve dhe argumentimet përkatëse nëse për ndikime te caktuara nuk mund te zbatohen/ndërmerren masa zbutëse;*
- *Zonat e ndjeshme ndaj ndikimeve te projektit (zona te mbrojtura dhe habitate, qendra te banuara, burime ujore, zona arkeologjike etj);*

6. *Ndikimet ne mjedisin ndërkufitar te projektit (nëse ka te tilla)*

7. *Ndikimet pozitive ne mjedisin e zonës te projektit*

8. *Masat e propozuara për mbrojtjen e mjedisit nga secili ndikim negativ i identifikuar ne paragrafin 5 me sipër;*

9. *Programin e monitorimit te ndikimeve ne mjedis gjate zbatimit te projektit;*

10. Plani i Menaxhimit dhe Monitorimit te Mjedisit

- *Rolet dhe përgjegjësitë për zbatimin e secilës mase te propozuara për mbrojtjen e mjedisit ne secilën faze te projektit;*
- *Kostot përkatëse te zbatimit te masave te propozuara për mbrojtjen e mjedisit;*
- *Plani i komunikimit dhe informimit te publikut për ndikimet ne mjedis, masat e marra për mbrojtjen e mjedisit dhe monitorimin e ndikimeve ne mjedis gjate zbatimit te projektit;*

11. Shtojcat e raportit te thelluar te VNM

- *Përmbledhje ne gjuhe jo teknike te raportit te thelluar te VNM-se;*
- *Kërkesat e veçanta te AKM-se dhe institucioneve te konsultuara sipas seksionit "C" dhe "D" te këtij vendimi;*
- *Informacion për mënyrën e realizimit te konsultimit gjate procesit te hartimit te raportit te thelluar VNM-se dhe metodat e konsultimit, rezultatet përkatëse, kontaktet e personave dhe subjekteve qe kane marre pjese ne këtë proces, mendimet qe janë dhënë dhe arsyetimet sesi janë adresuar ose jo ne raportin e thelluar te VNM-se përfshi edhe kërkesat e mendimet e dhëna ne dëgjesën publike;*
- *Listat e llojeve floristike dhe faunistike ne zonën e projektit dhe statusi i ruajtjes/mbrojtjes kombëtar dhe ndërkombëtar;*
- *Referencat e burimeve te informacionit te përdorur ne raportin e thelluar te VNM-se;*
- *Certifikatën dhe licencën përkatëse te QKL-se, te specialistit qe ka hartuar raportin paraprak te VNM-se*

SHTOJCA III - Kriteret ndihmëse për shqyrtimin e raportit të thelluar të VNM-së dhe hartimin e Deklaratës Mjedisore:

- a. *mënyrën sesi është zbatuar procedura e VNM-se;*
- b. *mënyrën se si është zbatuar procedurës se informimit, konsultimit dhe dëgjesës publike;*
- c. *mënyrën sesi janë marre ne konsiderate ne raportin e thelluar te VNM-se, mendimet dhe sugjerimet e dhëna nga palët e përfshira gjate procedurës se VNM-se sidomos ato te konsultimit e dëgjesës publike;*
- d. *paraqitja e informacionit ne raportin e thelluar te VNM-se ne përputhje me strukturën e Shtojcës II;*
- e. *ndikimet e mundshme negative ne zonat e mbrojtura;*
- f. *llojet e ndikimeve negative te rëndësishme ne mjedis, sasia, kohëzgjatje dhe shtrirja hapësinore e secilit prej tyre;*

- g. mundësia e zbatimit dhe efektshmeria e pritshme te masave zbutëse te propozuara për mbrojtjen e mjedisit nga ndikimet negative te projektit;
- h. saktësia e te dhënave dhe informacionit te paraqitur ne raportin e thelluar te VNM-se dhe verifikueshmeria e burimeve te te dhënave te përdorura;
- i. përputhjen e projektit te propozuar me objektivat e mbrojtjes se mjedisit, dhe normat e standardet mjedisore ne fuqi;
- j. përputhjen e projektit me planet ekzistuese te përdorimit te tokës dhe zhvillimit ekonomik ne nivel lokal, rajonale dhe kombëtar;
- k. konsiderimin e alternativave dhe analizës përkatëse për zbatimin e projektit te propozuar;
- l. ne rast te VNM, nder-kufitare, mënyrën sesi është zbatuar procedura përkatëse;